

大清會典

戶部



大清會典卷之

戶部

鹽法

凡權鹽之法。順物土之宜而理之。或府海以收其利。或產於池。或汲諸井而成之。皆通商轉運。以便民食。收其稅以供

國用。

凡

盛京沿海之地。皆民自煮鹽。市易奉天府錦州府鹽場二十。皆以州縣佐貳官司其場務。不權不



大清會典 戶部

幾統隸於奉天府尹

凡直省沿海及有池井之地聽民闢地為場置  
竈開畦為鹽而售之商或官出帑收鹽授之商  
而行之以鹽課大使掌其場之政令與場地之  
徵治其交易審其權衡而平準之日稽其所出  
之數以杜私販之源運同運判分司其地而糾  
察之○長蘆都轉運鹽使司運使所屬分司天  
津運同治場八○滄州運判治場二○山東都轉運  
鹽使司運使所屬分司濱樂運同膠萊運判各  
治場五○每場設大使統隸於巡視長蘆鹽政○

兩淮都轉運鹽使司運使所屬分司泰州運判  
治場十有二○通州運判治場十○淮安運判治場  
三○每場設大使統隸於巡視兩淮鹽政○河東  
都轉運鹽使司運使所屬中分司運同治山西  
解州安邑縣鹽池一場三○每場設大使陝西甘  
肅定邊大池一○設鹽池大使統隸於巡視河東  
鹽政其靈州小池一○設鹽池大使別隸於甘肅  
巡撫以下督撫兼鹽政同○兩浙驛鹽道所屬分司寧紹  
運副治場二十○嘉松運判治場十有一○每場設  
大使統隸於浙江巡撫兼巡視鹽政○福建鹽

法道所屬鹽場十有三。在內地者十有一。其八場委簡發試用官。餘委知縣。及首領佐貳官司。其場務在臺灣者二。以知府兼理之。統隸於閩浙總督。○廣東都轉運鹽使司。運使所屬分司。惠潮汀贛運同治場十有三。每場設大使。統隸於兩廣總督。○四川驛鹽道所屬鹽井七千七百有三。鹽井大使十有二人。統隸於四川總督。○雲南驛鹽道所屬鹽課提舉司三分轄鹽井十有六。鹽井大使十有一人。統隸於雲南巡撫。凡行鹽以商。商有世業。行有地限。其轉輸於各

省也。先納課而後領運。各按應行之地。隨時價而銷售之。

凡產鹽之省。運使鹽道。察場民之生計。與商之行息。而平其鹽價。行鹽之省。由驛鹽道。或分巡道。知府兼理之。其水陸挽運。必計其道里。時其往來。平其貴賤。俾商無滯引。民免澹食。以聽於鹽政。鹽政掌弊羣吏。糾其徵收督徵之不如法者。以時審其價。而酌劑之。凡鹽賦之奏課。與鹽法之宜更者。以

聞。總督巡撫兼鹽政者如之。

大清會典  
凡行鹽符信由部給引鹽政受而布之商其受  
鹽於場掣鹽於批驗所轉運於應行府州縣皆  
按引以知其數輸課於運使鹽道上計於鹽政  
皆積引以定其算歲周則收已行之引截角送  
部以待稽覈更頒新引

凡鹽課視每歲應行引數以定課最以乾隆十  
四年奏銷冊計之直省共行銷六百三十七萬  
四千百九十三引課入五百三十五萬五千七  
百二十二兩有奇○長蘆鹽行直隸暨河南開  
封彰德衛輝陳州懷慶南陽府屬之舞陽許州

屬之臨潁鄆城長葛引九十六萬六千四十有  
六課入五十八萬九千三百四十三兩有奇○  
山東鹽行本省暨河南歸德府江南宿州徐州  
府屬之銅豐沛蕭碭正引五十五萬票引十有  
七萬千七百四十課入二十四萬四千百七十  
八兩有奇○兩淮鹽行江南之江安鳳廬池太  
寧潁淮揚各府六安滁和泗通海各州徐屬之  
邳宿睢三州縣江西之南饒九康建撫臨吉瑞  
袁河南之汝寧光各府州暨湖北湖南引百六  
十八萬五千四百九十有二課入二百十有七

大清會典  
萬四千六百七十七兩有奇○河東鹽行山西  
暨河南之南陽河南陝汝等府州許州屬之襄  
城陝西之西安鳳翔同州邠乾商興安等府州  
引四十二萬六千九百四十有七課入四十八  
萬五千八百八十二兩有奇○陝甘鹽行漢中  
延安鄜綏德各府州引三萬九千四百課入八  
千九百八十兩有奇行蘭州鞏昌平涼慶陽寧  
夏秦階各府州靈州洮州等衛引七萬二千六  
百八十有八課入二萬四百十有六兩有奇○  
兩浙鹽行本省暨江南之蘇松常鎮徽太倉廣

德江西廣信等府州正引七十萬四千六百九  
十有八票引十萬六百九十有八課入六十三  
萬五千八百一兩有奇○福建鹽行本省引九  
十四萬八千二百二十有四課入三十一萬四  
千七百八十七兩有奇○廣東鹽行本省暨江  
西之南贛福之汀湖南之桂陽郴各府州貴之  
古州引五十三萬八千五百二十有二課入四  
十一萬二千二百四十九兩有奇行廣西引六  
萬五千六百有十課入十一萬三千七百八十  
二兩有奇○東課六萬六千二百六十八兩西稅  
四萬七千五百十有四兩各有奇

大清會典  
○四川鹽行本省暨湖北之施南府宜昌府屬之鶴峯長樂二縣雲南之東川昭通二府曲靖府屬之南寧霑益平彝三縣引十萬四千二百二十有八課入八萬四千八百八十兩有奇○雲南鹽行本省以道遠不頒引按井給票課入二十六萬二千二十三兩有奇○貴州各府近湖廣者食淮鹽近四川者食川鹽不通商不頒引小民就近負販而輸稅於官布政使糧驛道兼理之統隸於貴州巡撫課入七千六百十有五兩有奇

凡竈地之徵視年之上下歲登盡入其稅給由單書其應入之數令如數輸納歲終則會而上之部以徵信杜弊荒則辨其等其宜蠲宜緩法如田賦

凡商之徵責之運使鹽道引之行責之州縣官課登引疏通者予叙課有逋負引有稽滯者劾議各計其分數而殿最之

凡無引而私行及越禁私販者有禁民或犯令由地方文武官緝治之疏縱者論若老弱孤獨擔負四十斤以下者免幾

大清會典  
戶部



